

卷十一



書名 庾開府集十二卷 明新安汪氏刊本
 撰者 北周 庾信 撰，明 汪士賢 校
 卷 卷十一
 內容分類 集-別集-漢魏六朝-北周
 索書號 仁井田-集- N4002
 編號 D7114600

庾開府集卷第一

周 新野庾 信著
 明 新安汪士賢校

賦
 三月三日華林園馬射賦 并序

臣聞堯以仲春之月刻玉而遊河舜以甲子之朝披
 圖巡夏后瑤臺之上或御二龍周王玄圃之前
 猶參心於我大周之創業也南正司天北正司地平
 定三危之罪雲紀御官鳥司從職皇王有

彩色首頁

[東洋文化研究所漢籍目錄 編號: D7114600](#)

[東洋文化研究所漢籍目錄所藏漢籍善本全文影像資料庫 索書號: 仁井田-集-](#)

[N4002](#)

[漢籍善本全文影像資料庫文本 庾開府集十二卷 明新安汪氏刊本](#)

版權所有: 東京大學 東洋文化研究所

[使用上的注意事項](#)

1 2 3 4 5 6 7 8 9 10 1 2 3 4 5 6 7 8 9 10





07302

庾開府集卷第十一

周 新野庾 信著

明 新安汪士賢校


誌銘

周大將軍襄城公鄭偉墓誌銘

公諱偉字子直滎陽開封人也周宣母弟就封于鄭
河洛之地即有民人號鄭之君非無郡邑其後蛇鬪
於門龜嘗於鼎韓侵負忝晉滅陽城其祀忽諸以國
為氏祖徹撫軍

周書北史並作祖
思明直閣將軍

贈濟州刺史父先



護驃騎大將軍儀同三司襄城郡公青州刺史永安
中洛城畫掩黃河凌合翟泉會盟之地蒼鳥忽飛武
庫兵欄之中鱗魚逐上三帥北緹五馬南浮梁武帝
大造中原樹君伊洛公之憑軾棧車言歸舊壤起爲
通直散騎侍郎天厭魏德政在強臣公耻入亂階乃
於陳留起義太祖封函谷而待諸侯坐鄴宮而朝群
后威懷是接席卷西飛大統三年入朝蒙授武陽縣
開國伯食邑六百戶尋除龍驤將軍北徐州刺史開
河橋之陳解王璧之圍張旃旃一作旃於富平被練於伊

關探虎穴而揮戈上魚門而懸胃故以策名司勳功
高舍爵魏將侯景狼顧荆河天子命我偏師赴接垂
餌虎口中途背盟事獲交綏公之力也除中軍將軍
散騎常侍大都督襲襄城郡公食邑二千戶仍除使
持節車騎大將軍儀同三司餘如故遷驃騎大將軍
開府加侍郎常伯位重霍去病之登朝上將官尊公
孫敷之出塞以今方昔異代同榮魏後二年授大將
軍事江陵防主都督十五州諸軍事吳兵教士艦舳
習流島嶼憑陵波瀾衝激公躡臨江界已悉南越之

兵裁沉樓船即善昆彌之戰遂得安歌灃浦弭節涇
陽留魯侯而宴章臺對齊人而畋雲夢周保定元年
授使持節都督宜州諸軍事宜州刺史天和六年授
都督華州刺史餘如故嶠函重嶂汧渭分流陽陵之
益旣奔華陰之學遠聚而消渴連年屢有相如之患
至于大漸遂如范增之疾桐君對藥分闕神明李柱
侍醫更無方便以天和六年四月十七日薨年五十
七詔贈本官加少傅都督司豫洛相冀五州諸軍事
司州刺史謚曰肅公禮也天子輟朝彌深大臣之議

群公會葬咸得同盟之禮夫人李氏頓丘貴姓卿相
之門賢才之室霜露先侵策封郊次以其年十一月
六日合葬于咸陽之長安縣某原合葬非古旣異三
王之前死則同穴還同六載之始雖復銜珠雨鶴同
歸紫蓋之松出匣雙龍共沒延平之水嗚呼哀哉乃
薦銘曰

國有巖邑朝多君子武以莊公平王卿士溫麥途盟
祊田廢祀駮乘停輿來朝識履惟祖惟考旣侯旣公
樞機周密出納清通治繁政簡處亂心雄濟河遺惠

德一作海岱餘封世濟其美載誕其器忠無不爲孝則
不匱幽冀紛梗關河鼎沸自北自南聲聞梁魏揚旌
汝穎威震三川擁旄江漢席捲樓船成臯塵起廣武
烽燃麋興鹿箭鴈落驚弦揔衛蘭綺申威河外山類
鼓樓樹如車蓋都護兩道將軍獨拜梧桐茂苑楊柳
倡家千金回雪百日流霞凋零倏忽悽愴榮華河陽
古樹金谷殘花隴昏雲暝山深路晚風氣纔高松聲
卽遠疇昔親友懽愉交結不爲平生應爲此別

周驃騎大將軍開府侯莫陳道生墓誌銘

君諱道生字某朔州武川人也本系陰山出自國族
降及于魏在秦作劉父少興武川鎮將山河抗拒關
塞被邊早擅威聲威多雄烈君子讀書馬上清談劍
端獨運六奇專精三畧雖復身居末將而勇冠旌門
位在支軍而謀參幕府魏正光五年任統軍穎天柱
爾朱榮征北海王末安三年隨太師賀拔勝入關尋
轉別將滑源卷甲關城東馬並皆克捷君有力馬求
熙三年補都督太祖文皇帝奄有關河今行天下以
君幹畧委之爪牙名洽中涓功參上造兵臨河曲前

登白馬之津寇發蒲城先戰黃沙之苑臨晉橫船旣

禽趙將

韓信臨晉陳船虜魏王豹其擒趙虜將自楚拔幟事在豹後未詳

馬陵削樹

復下齊兵班瑞司勳披圖疏爵授驃騎大將軍金紫

光祿大夫鄆縣開國公食邑五百趙儼之爲驃騎正

駕單軍張堪之拜光祿長乘白馬以斯連類朝野榮

之大統九年更姓侯莫陳氏隨大將軍拓跋遠經始

陽二水長闔三川無市擐甲構病死於轅門春秋五

十一贈持節都督潮州刺史君在武川文皇帝同鄉

里霸功旣立王業克成不忘捨講猶論償博今嗣德

惟新功臣追遠東都馬鳴不無見日之歎北陵車過

終憶平生之言有詔更贈使持節驃騎大將軍開府

儀同三司都督宜敷絳三州諸軍事敷州刺史謚某

公禮也夫人拓跋氏安邑郡夫人庭有鍾鼓家承箴

誠教容教德音告以歸天和五年六月薨即以其年

十月同塋于京兆某縣洪源鄉武子成寢請西階而

合塋平縣下嫁即廬山

衛青與平陽主合塋起家象廬山

而共墳銘

曰

凝陰遠寂廣漠平寒沙窮瀚海地盡臯蘭塞鴻秋去

胡桑夏乾風土壯氣山河凜然師一作兵旅上谷威雄

武川君則繼踵代不乏賢匣有忠劍庭流孝泉魏宜

多故餘風未殄天保護德當途廢典上將指蹤中涓

力展洛城夜捷河梁朝剪鐵劍金龜榮追玉鉉身胄

漢祚門承魏緒並擅華宗俱稱當路伉儷云匹年齡

並故趙瑟秦聲同為丘墓小陵石槨洪原卿墓芻靈

兩引池柳雙前隊路仍合松城即連霜隨柳白月逐

墳圓芝蘭幾代陵谷何年

周車騎大將軍贈小司空宇文顯墓誌銘

公諱顯

周書北史並作顯和

字某上黨武鄉人也自大霧浮河

長虹映渚承源於若

一作別

水纂系於蒼林上黨居諱

之西常山在趙之北因地為氏可畧而言焉祖朮南

衛將軍冀州刺史父金殿征南將軍定州刺史並控

鶴兵俱張戎樂聲榮之盛繼踵當年公稟山嶽之靈

擅風雲之氣容止矜莊聲名籍甚彎弧挽強左右馳

射故得名高上谷威振樓煩襲爵安吉縣侯食邑五

百戶永興三年幽并叛換有無君之心帝顧謂公曰

天下洶洶將若之何公曰擇善而從之乃誦詩云彼

美人兮西方之人兮帝曰是吾心也乃定入關之策
以公母老家大令預計公曰今日之事忠孝不並居
不密則失臣臣不密則失身帝愴然改容曰卿是我
王陵遷朱衣直閣閣內大都督改封長廣縣公邑一
千五百戶武帝初至潼關太祖親迎溱水太祖素知
公名而未之識也目於衆疑而不問直云今此人射
水傍小鳥應手即著太祖喜云我知卿名周書北史
並作工
矣即用爲帳內都督滄州諸軍事滄州刺史增邑并
前二千五百戶黃公衡之決王魏后是以推心潘承

明之忠壯吳王爲之降禮異代同榮見之今日東夏
邊隅地連荒服井陘寒道飛狐路斷乃以公爲使持
節衛將軍都督東夏州諸軍事東夏州刺史白波青
犢之兵銅馬金繩之亂莫不交臂屈膝牽羊抱馬在
州遘疾解任還朝小馬留廐餘狀掛衽吏人攀戀刊
石陘山雖非漢陽之城還似扶風之路授使持節革
騎大將軍儀同三司加散騎常侍以魏後元年疾甚
亡于同州春秋五十七天子輟樂群公會喪太祖親
臨弔祭哀慟左右于時兵革交侵普斷贈謚即以本

官印綬權塋于同州之北山今建德二年二月二十三日遷喪於咸陽長安縣之洪瀆原時逢禮樂之遷代屬謳歌之變國雖異政人足追榮乃贈使持節驃騎大將軍開府儀同三司小司空丹延綬三州諸軍事延州刺史謚其公禮也夫人高氏渤海人也柔叅晉政拒曹爽之異謀起在漢庭共王陵而俱對况乎箴訓有儀言容以德肅泰中興賢才內則豈直不聽雜樂以變齊國之風不食鮮禽以斷荆王之獵昔之命塋丞武子之兩寢今之同穴長平侯之北陵世子

神舉兄弟至性純孝善居喪禮有終有始於身無改是以宦成名立孝顯忠有銘曰

北岳二名葱河兩本其峻惟極其源惟遠俗稟山川人資台衮義烈桓桓才雄悃悃乃祖乃父繼踵威雄攬金北陸鳴玉南宮隱若吳漢賢哉竇融負霜依德無雷向風挺此含章生茲秉德孝實天性忠爲人則

暢轂鏤膺燕南趙北若

一作弱

水將通九部

疑作九都

可勒

帷幄叅謀宮闈典職善擇忠言能防變色繁弱已勁淇園乃直戟中小支禽穿左翼建旟赤谷揮戈武州

長城萬里河水雙流潁川多恙淮水未瘳義重穿壁
恩深置郵于谷之口于渭之丘陽山零落碑闕低昂
草銜秋火樹抱春霜書劔俱沒人琴並亡哀哀嗣子
純心靡託孝水未枯悲松先落室進巢鷲門通弔鶴
功臣身殞會圖麟閣

周大將軍琅琊莊公司馬裔墓誌

公諱裔字遵胤河內溫人也南正司天北正司地是
謂西河之官即嗣重黎之政印之歸楚與章邯而並
封豫之避秦共毛公而俱去祖龍北史全龍仍居選部水

鏡三臺父悅再牧荆河威風千里而身遭禍機遂爲

季布所哭獲存遺嗣實賴程嬰之忠國家追念功臣

更撫叔敖之子言思官族還求女齊之胤公始應辟

爲河內功曹除員外郎常侍汲郡治丘黃河浮馬雄

疑作鋒軹關之捷逐北長城之陳授平東將軍北徐

州刺史柳泉風塵三城席卷棠陰鋒鏑千室入關遷

車騎大將軍儀同三司開國龍門縣伯仍除巴州刺

史雖復巴水三迴夷歌數曲徒逢白竹之弩已濟青

衣之功朝廷以漢之功臣須開上將之府晉之代胃

宜紹瑯琊之國遷驃騎大將軍開府改封瑯琊公食
邑一千五百戶宮闈近密寔侯忠貞詔爲大御伯仍
除大御正職司常伯任惣夔龍王道旣平綵言惟允
尋除始州刺史都督始州諸軍事蠻夷持險狼顧鴟
張高山尋雲深谷無景九地縱橫三門起伏峰危馬
束水險橋飛遂得谷靜山空水消霧散仍爲信州刺
史都督信州諸軍事精兵守於白帝足懼巴州之城
船梯下於荊州彌動西陵之戍即授使持節大將軍
都督西寧州諸軍事西陵州刺史將啓北戶之人向

通雲南之國聞寵若驚奄從深夜天和六年正月十

八日亡春秋六十五詔贈本官加懷邵汾晉泗州刺

史謚壯

周書北史
並作定

公禮也以建德元年七月十三日

葬于武功之郡三疇原公愛敬純深有隱無犯忠貞

亮直知無不爲在戎四十二年身經六十九戰至於

多竈唱籌並得成功飛沙擁石未嘗乖律恂恂教義

吳起西河之風閑閑鼓旗李牧長平之政身死之日

家無餘財山一作木所資一由詔葬有始有卒生榮

死哀銘曰

祝融是命重黎克舉公族乃建天官即代一序避世於
秦承家於楚金行失馭玉鏡淪輝我之烈祖識變乘
機黃旗東沒青蓋西飛落星置道長州出圍及我皇
父荆河再撫世屬喪亂身沒猾堅嗟我遺嗣崎嶇趙
武寒覆鳥翼饑吞獸乳獲歸河內更襲瑯琊年方小
馬怨結長蛇藏兵九地置劔千家雪山埋馬冰河陷
車既乃班政超然榮守朱鷺頻飛金龜轉紐築塞長
榆營車高柳玉案推食河橋勸酒石門水釋金堤電
散蘆水門關茅津成一作茂觀馭風逸翮脩途始半建

武功臣先悲吳漢沉寥擺落游場浸微金城路斷郿
塢人稀風松蓋雲白水山衣賢已星殞人沒蘭衰衰

周大將軍懷德公吳明徹墓誌

公諱明徹字通昭

一作昭

兖州

陳書作南州

秦郡人也西都

列國長以王功被山河東京貴臣大司馬名高西漢
豈直西河有守智足抗秦建平有城威能動晉而已
也祖尚南譙太守父標南史作樹右軍將軍抗拒淮沂平
夷濟滌代爲名將見於斯矣公志氣縱橫風情倜儻
圮橋取履早見兵書竹林逢爰徧知劔術故得勇爵

登朝材官人選起家東宮直後除左軍葛瞻始嗣兵
戈仍遭蜀滅陸機纔論功業即值吳亡公

梁未

爲達也自梁受終齊卿得政禮樂征伐咸歸舜後是
以威加四海德教諸侯蕭索烟雲光華日月公以明
畧佐時雄圖贊務鱗翼更張風飈遂遠冠軍侯之用
兵未必師古武安君之養士能得人心擬於其倫公
之謂矣爲左衛將軍尋遷鎮軍丹陽尹北軍中候愨
政六師河南京尹冠冕百郡文武是寄公無愧焉蕭
湘之役憑陵島嶼風船火艦周瑜有赤壁之丘蓋軸

僭艦魏齊有橫江之戰仍爲平南將軍開府儀同三
司都督湘衡桂武四州刺史遂得左廣迴肩轡車反
暢長沙楚鐵更入兵欄洞浦藏犀還輸甲庫雖復戎
歌屢凱軍幕猶張淮南望廷尉之囚合肥稱將軍之
寇莫不失穴驚巢沉水陷火爲使持節侍中司空車
騎大將軍都督南北兗青譙五州諸軍事南兗州刺
史南平郡開國分食邑八千戶鼓吹一部中台在玄
武之宮上將列文昌之宿高蟬臨鬢吟鷺陪軒平陽
之邑萬家臨笛之馬千駟坐則玉案推食行則中分

麾下生平若此功業是焉旣而金精氣壯師出有名
石鼓聲高兵交可遠故得艦舳所臨蓋于淮泗旌旗
所襲奄有龜蒙魏將已奔猶書馬陵之樹齊師其遁
空望平陰之鳥俄而南仲出車方叔蒞止暢轂文茵
鈞膺倅革遂以天道在此南風不競昔者禪將失律
衛將軍於是待罪中軍爭濟荀桓子於焉受戮心之
憂矣故疑作胡以事君宣政元年屆於東都之亭有詔
釋其鸞鑣蠲其鹽社始弘就館之禮卽受登壇之策
拜持節大將軍懷德郡開國公邑二千戶歸平津之

館時聞極馬之嘶舍廣城之傳裁見諸侯之客廉頗
眷戀寧聞更用之期李廣盤桓無復前驅之望霸陵
醉尉侵辱可知東陵故侯生平已矣大象二年七月
二十八日氣疾增暴奄然賓館春秋七陳書本傳作六十七

卽以其年八月十九日寄瘞于京兆萬年之縣東郊
詔贈其官謚其禮也江東八千子弟從項籍而不歸
海島五百軍人爲田橫而俱死焉嗚呼哀哉毛脩之
埋於塞表流落不存陸平原敗於河橋死生慙恨反
公孫之柩方且未期歸連尹之尸竟知何日遊魂羈

旅足傷温序之心玄夜思歸終有蘇昭之夢遂使廣
平之里永滯冤魂汝南之亭長聞夜哭嗚呼哀哉乃
為銘曰

九河宅上三江貢職彼美中邦君之封殖負才矜智
乘危恃力浮磐戢鱗孤桐垂翼五兵旱竭一鼓前衰
移營滅竈空慕禽飛羊皮詎贖畫馬何追荀瑩永去
隨會無歸存沒俄傾光陰愴悽岳裂中台星空上將
眷言妻子悠然亭障菟或可招喪何可望壯志沉淪
維圖埋沒西隴足抵黃塵碎骨何處池臺誰家風月
墳塚羈遠管窺流寓霸岸無封平陵不樹壯士之麗
將軍之墓何代何年還成武庫

周大將軍上開府廣饒公鄭常

墓誌作鄭常而九百十九

卷神道碑作字文常蓋其後賜也墓誌銘

公諱常字其滎陽人也周宣王之弟初封其國鄭穆
之孫始成其姓祖思慶建威將軍山陽太守考項儀
同三司豫州刺史南陽坐嘯值此邦君西河建隼逢
斯刺舉公侯繼踵冠冕連鑣可得而言傳於史籍公
髻亂知禮早年馳譽就經黌舍畧見書堂習武兵欄

偏知劔術雖復年猶小學已為儒者所稱位在偏裨
 即入將軍之賞大統三年起義華陽授本縣開國男
 文皇帝霸迹初基英雄輻輳公拔劔轅門穎川從我
 洛城逆戰壯於白馬之兵河橋解圍勇於烏林之策
 授平東將軍帥都督襲父封魏後二年授持節車騎
 大將軍儀同三司車騎用郭淮之勲儀同取王沉之
 貴公之此授僉曰得人進爵廣饒縣公邑千戶保定
 三年授使持節都督遷州諸軍事遷州九百十九卷
常文常神道
碑作羅州刺史今常基誌作遷州按隋地理志西魏
時於竹山縣置羅州宇文後周於房陵郡置遷州至

隋并號刺史即摠領金州兵馬開拓北戎高山尋雲

深谷無景梯繩乃上浮竹裁通閩越影嚮勾吳聲勢
 公出戰短兵並皆奔北瓦解冰碎山空谷靜授持節
 開府儀同大將軍栢梁高宴有大將軍之詩幕府初
 開有平陵侯之國比之今日豈可同年而語哉自是
 使車被之繡服風謠是察刑政是觀公露節東驅風
 奔群盜埋輪當路威振中原武皇帝有盟津之師以
 為中權之勁外從決勝內侍軍謀及文軌既同旃
 已偃司勳行賞軍吏舉功乃授使持節上開府增

邑五百戶賜姓宇文與國同乘之榮周之宗盟非復
異姓之後蕃屏是寄隆寵所歸公室無疎此之謂矣
九州都督須得其才千里諸侯實俟其政乃爲使持
節都督東徐州諸軍事徐州刺史尋遷南兖州諸軍
事南兖州刺史公頻摠六條再勞十部俗變風移人
懷吏畏滯穗遺秉有利疲人山桑野蠶足充貢賦化
被殊俗威行隣境奏事京師四方第一謂真刺史其
在斯乎春秋未高奄然遘疾以大象元年薨于州鎮
時年六十三嗚呼哀哉吏人拔墓飛走變色河濟輟

春淮沂罷市以今年歸塋于滎陽之山詔贈某官禮
也嗟陵谷之質遷懼微猷之永遠地久天長敢鐫貞

石銘曰

荆河惟豫洛食之本水遶滎波山斜陸渾德星猶照
祥風未遠代不乏賢又無闕亥公之生也實降英靈
忠爲德本孝稟天經觀書虎館學劍龍亭雕方偃月
行馬流星置陣黎陽麾兵官渡平陰聽鳥馬陵書樹
氣視迴津星占飛步火斷羗管沙崩賊路及驅犀節
乃牧雄州吏不驚大人無喘牛西蠶得歲東作逢秋

草爛獄戶星低市樓五將星亡三台岳折哀哉天道
遂當明哲棟梁崩壞風雲寂滅北郭長悲東都永別
幽深此地宅兆斯憑山迴虎圈路上魚陵悲風夜烈
苦露晨凝蘭芬菊茂

周大將軍聞嘉公柳遐墓誌

君諱遐

周書作遐

字子昇河東解縣人也秦始征晉之地

漢開平越之鄉律中夷則星居鶉首况復莊謀於衛
既爲社稷之臣喜對於齊無廢諸侯之職祖叔珍宋
員外散騎常侍義陽內使有徐邈之應對居於散騎

之省有汲黯之正直理於淮陽之郡父季遠臨川王

諮議叅軍宜都太守蘭臺石室是以洽聞白馬飛狐

逾高詞氣西都吳

一作英

融檀名江表言談相會宛如

舊焉君膺令德之靈稟冲天之氣齟齬髻髮夙智早
成愛敬自天虔恭得性合仁抱義履信居貞世父儀
同忠惠公特加噐異乃謂公曰吾昔逮事伯父太尉
公見語云我昨夢汝登一高樓樓盡峻麗吾以坐席
乞汝汝或富貴恨吾不及見耳吾何聊復晝寢又夢
將昔時坐席還復賜汝汝位官當復見及王祥佩刀

世為卿族鮑未駟馬家傳司隸以此連類差無慙德
輕車西昌侯作藩襄漢君時年十二以民禮脩謁進
止端詳神情雅正侯目送之不輟試遣左右踐君衣
裾欲視舉動君徐步稍有曾無顧眄魏侯之見劉廙
不覺歛容漢主之觀田鳳遂令題柱比之今日曾何
足云驃騎廬江周書作陵王帝子出藩懸衡高選以君華
望召為主簿張坦直諫既稱荀令之香鄒湛知言彌
見羊公之德諮議府君於都薨背君奔赴六日即屆
京師形骸毀瘁不復可識靈柩沂江中川薄晚亂流

乘選迴風反帆舟中之人相視失色抱棺號慟誓不
求生俄爾之間風波即靜咸以君精誠所致成都孝
子自赴江流貴陽先賢身彰野火並存靈柩咸可傷
嗟太夫人乳間發瘡醫云惟得人吮膿血或望可差
君方寸已亂應聲即吮旬日之間遂得痊復君子事
親可謂至矣從兄右衛擁旌嶺表若疑作苦相携致昔
馬遊志氣為馬援所知班嗣才學為班彪見賞復聞
於今日矣乃除朮化縣令靜除歆案或吟長岑之遠
乍撫鳴琴不以河陽為陋日南金柱合浦珠泉其肯

一作經懷未嘗留目解巾平西郡陵王法曹參軍仍
轉尚書工部侍郎始入禮闈既登蘭閣尚書僕射陳
郡謝舉人望國華引君言論謂同位坐曰江漢英靈
見於此矣西中郎岳陽王以綠車之重臨西河之牧
敕用君爲本州治中尋遷別駕王叔理以品物流名
陳仲舉以題軒馳譽君之展驥兼而有之及乎大盜
移國王室騷然月動星搖雲平虹直岳陽王承制硤
左當壁漢南天綱所頓英賢必集授君散騎侍郎吏
部員外郎散騎常侍兼太子侍讀監儲甲觀事重史

丹侍講桂宮名高張禹俄遷車騎大將軍侍中開府
儀同三司餘如故方之驂乘霍去病爲侍中譬彼將
兵公孫放爲驃騎足以照曜六府謨明九德豈直允
諧上將匡贊中軍而已哉旣而言從梁國服政鄴都
管仲有詞即受下卿之禮臧孫見德還奉嘉賓之宴
有詔授使持節驃騎大將軍開府儀同三司霍州諸
軍事霍州刺史犀節去關袞衣馳傳迎郊則文學前
驅賓衛則邦君負弩直以五溪遼遠馬伏波之思歸
三湘卑濕質長沙之不願是以宜城刺史直會鹿門

白沙故地仍留龍種天厲弗戒奄然終極大和某年
歸窆於襄陽白沙之舊塋君噐宇詳正風鑒弘敏澡
身浴德游藝依仁汝南令望扶風長者不言財利王
夷甫之爲德不談人物阮嗣宗之爲人從容亂離之
機保此令德舒卷風雲之際無妨貴仕張衡渾儀之
後卽賦歸田杜預沉碑已來遂停鄉里王仲宣有讀
書之樓諸葛亮有彈琴之宅實欲因此謝病閑居終
焉嗚琴在膝或對故人寶劔自隨時遇稚子百年俄
頃嗚呼哀哉遂使君子之陵止埋銅劔賢臣之墓唯

銘石函銘曰

有莊有惠居魯居衛義是隨時才堪濟世北部尚書
東京司隸必復其始侯君相繼華蓋一岳文昌一星
青衿辨志童子離經義勗非與書勒映螢往年靈柩
漂泊江沱以君哀慟川后停波揚名北海馳譽西河
誰登九折不入朝歌蔚炳胥變攀陪遂遠白塵隨軒
冊暈附冕位叅上將榮兼本選蛇盤綬結龜廻印轉
來朝平樂歸政咸陽蕃維卽啓軍幕仍張起茲禮數
峻此戎章長離宛宛刷羽陵江世急奔流年催驚隼

虞開府集卷之十一
滅沒頓轡扶桑搖軫智士石折賢人星殞西鄂芝枯
南陽菊盡愴焉啓首疑作手生榮終極相杵輟春鳴機
罷織竿竿胤子視陰餘息霜露履之哀哉藥棘龍巢
北望鳳闕前觀松長風遠地厚泉寒書埋簡落琴覆
絃寬贈行之冊書而納棺

故周大將軍義興公蕭公墓銘

昔司徒之敷五教當堯讓之初丞相之惣萬機值秦
亡之後若殷人受氏乃承微子之封梁運應圖實啓

延陵之國公諱太

周書南史並作秦犯
周太祖諱改作太

字世怡蘭陵

人也太祖文皇帝之孫鄱陽忠烈王之子派別天潢
支分若水直幹自高澄源已遠茂親明德是稱毛畢
之功宗子維城乃建邢茅之國大同元年年十六封
豐城縣開國食邑五百戶山臨鶴塞非無陶侃之賓
氣連斗牛即有張華之劔解褐給事中仍太子洗馬
公子出身非郎官而同品中朝洗馬異式道而前驅
以丘疑居之誠爲高選大同元年入直殿省其年轉
太子中書舍人周書作太子中舍人南史止
作中書舍人疑並歷二官南宮宿
衛職司簡錡北閣從班榮叅顧問通籍兩官得賢斯

在大同三年授持節仁威將軍譙州刺史褰帷祥氣之境刺舉消憂之地南陽風俗文學更多美稷相迎童兒逾遠旣而亂離瘼矣王室騷然大夫有行役之悲君子有無期之怨背關懷楚扁舟而行江漢奉當壁之君張華歸中興之主承聖元年拜侍中無雙對問實踵武於丁鴻多識舊章足齊衡於王粲二年除持節平西將軍臨川內史仍轉平南將軍挂陽內史尚方鑄劍再轉金_■御史分符雙封銅虎豈直鄧攸清白見稱五鼓之歌劉寵廉能名爲一錢之郡遂以

天保未定王途多梗還吳不可歸蜀無路臨淄負海翻然改途竄身清漳垂翅渤海授車騎大將軍散騎常侍仍爲持節都督永州刺史而秦亭壓境邾柝聞城鼓角地鳴將軍天落雖復瓶缶聽聲無防於地道冠繩柴_疑結不却於雲梯請命受降翻歸都護周朝以楚材晉用不停於平章趙壁秦求無論於羈遠以保定五年降使持節驃騎大將軍開府議同三司義興郡開國公食邑一千三百戶天和二年授使持節都督蔡州諸軍事蔡州刺史楚頃襄之愛子旣布

衣而戍谷魏安釐之母第亦羈旅於邯鄲憂既傷人
 降年不永春秋五十有一薨於蔡州之鎮送故入關
 空餘袞服歸軒在送還更垂帷嗚呼哀哉有詔贖官
 周書作贈本官加并洛衣三州刺史禮也五年十一月塋於長安比
 原樛里子之墳正臨武庫太史公之墓直對臯門銘
 曰

玄鳥遠烈相士弘謨東封宋社西歛秦圖人承佐漢
 國紹開吳有美令德茂親藩邸建國皇支承家帝弟
 率由冥曾亮直天啓轅固聞訄唐都習禮博望之遠

金華之宮文林講德武帳參戎名書柱上策蒲帷中
 託身淄右蒞政淮東秦降西逼楚澤南窮時驚獵火
 或懼秋風屬期遠畧逢茲應變陣橫十里兵圍一而
 月葦孤城塵驚虛援春筍非糧秋蒿無箭垂翅臥龍
 夷矜輟戰時值懷來恩加始賞王爵愈峻戎章更上
 朱鷺才飛虞歌即響泣子留恨藏書長往炎涼迭運
 一作送零落山丘霜芬幕月松氣陵秋嗟南國之王子
 成東陵之故侯

故周大將軍趙公墓銘

公諱廣字乾歸邵惠公之元孫幽孝公之長子若水
拂日長蛇委天龍圖幕河之光神鼎連雲之氣六辯
構字五運徵祥是以維嶽降神自天生德凝脂點漆
日角珠庭爲子則名高五都爲臣則光照千里華蓋
中天之峰未階其峻虞淵浴日之水不盡其源歲在
凋車年方竹馬月內柱樹切問能訓石上木生懸思
卽悟年十一孝公薨乳乳在疚孺慕過禮泉驚孝水
竹動寒林三行克宣八翼斯舉大周建國宗子維城
設遺封人分司典命開國天水郡公食邑二千戶元
年授使持節驃騎大將軍開府儀同三司其年四月
授都督秦州刺史李公久牧汧隴遺愛在人今見撫
我君之子豈獨司隸之臺鮑宣累葉丞相之府常賢
重代二年拜大將軍方衛青之張幕冊重元勳譬韓
信之登壇榮高獨拜武成元年遷都督興梁等十九
州諸軍事梁州刺史蟠冢導漾乃濟漢之東流蔡蒙
旅平實華陽之西極其年九月改封蔡國公食邑萬
戶地接韓城開隣楚鄣戶封八縣恩深冠恂之功邑
啓萬家事極曹叅之賞保定元年授少司寇行戶苔

生因關箒動載酒屬車辛無冤氣觀囚軍府或聽鳴

琴二年轉

一作勅

守蒲城都督潼關等六防諸軍事其

年閏月遷都督秦渭等十二州諸軍事秦州刺史公

亟牧冀城穎藩隴坻豪桀歛手貪殘解印加以上谷

一作國

精兵漁陽噪鼓北臨高柳南望長榆匈奴下馬

之山貴相藏酒之谷莫不遠慕威聲遙承風化二年

奉詔向甘州迎皇后有文書手仲子之歸紀裂繻來

卿爲君逆自非名高絕國威被和隣豈得稱族而行

尊君之命四年授柱國大將軍昭陽以功高見用項

梁以名將當官以今方之彼有慙德天和三年授都

督陝虜等八州甘防諸軍事陝州刺史屈產垂棘旣

六號之兵王官羈馬非無絕秦之路公以正正鼓

旗閑開車軌服叛威邊筭無遺策但以中外久勞積

斯災疾山川則並走群望賓客則諸侯在門是以請

謁承明言歸湯沐方詢夏郊之祀或辯桑林之崇更

除秦州刺史仍襲父爵豳國公分流之嶺未登晚塞

之城空望大夫人以公羸瘠悲泣相守曾氣交衝奄

捐館舍公頓伏苦寢水漿不入雖王人勸奪瘡詎愈

增母死於子子死於親慈孝之道一朝惣集大漸之
 辰春秋二十有九四關罷市三軍行哭言尋聽訟猶
 見寒棠還顧空營惟餘衰柳謚贈某官禮也六年六
 月歸葬於秦州之基原玄甲啓路追於一作驃騎之
 功龍旂贈行深悼東平之遠公亮直惟忠温恭惟孝
 居之仁義飾以禮樂風神機警聰叡精明有仍於宮
 牆無形於嘉愠金版玉策之記枕籍忘疲蘭葉之花
 之圖膏映必舉碣石秋雲昭陽落月思風合臆言泉
 流吻翩翩書記則阮瑀陳琳荏荏風流則王濛謝眺

誥其百發弓絕於猿吟論其百中劔深於鴈陣枚乘
 之望梁苑不憚棄官樂毅之求燕路無辭千里至如
 應變將畧雷電立成帷帳謀猷孫吳閭合有品藻入
 理之志有清平天下之心鵬路忽催龍津遂壅嗚呼
 哀哉大宰早茂三荆長辭萬始撫養遺孤連枝同氣
 馬援之誠兄子義存謹飭王况之事世叔情深愛敬
 同德此義此之謂乎乃為銘曰

御乾從紀乘離作聖白環讓德玄珪受命平一地紐
 增輝天境傍廕數國前臨七政地屬先登一作陰時逢

下武王璜撥亂金滕光輔刊晉承家邢茅作土波分
 建木派流玄扈景命寅序徽猷淵塞忠有令圖孝為
 全德山節蒞政桓珪守國瀚海將臨燕山行勒平樂
 高宴金華說一作經論儒壁水親禮明庭相風待賦承
 露須銘乘舟向日策馬隨星德舉克明能賢允淑上
 將授服元戎推轂趙失東漁胡亡南牧箭下遼城泥
 封函谷袞衣頻露丹檐亟卷約法情推繁辭理遣盜
 鳥懸察疑蛇立辯人共官園家同野繭籥雲推轉風
 落似星裂中台山傾左鎮夏楹舍爵殷階啓殞繆慕
 躡行明於庭引秦川直望隴水分飛山河蒲目容衛
 靈歸陵圖石馬車畫袞衣小山搖落長林變衰淒愴
 原隰荒涼宅兆樹密人稀山多路小十里松城千年
 華表夜臺尤寂窮泉無曉